





# Canllawiau - Ffurflen gais Enwi a Rhifo Strydoedd llain sengl

Deddf Iechyd Cyhoeddus Cymru 1925, adrannau 17 i 19

## Manylion yr ymgeisydd

-  A fydddech gystal â chwblhau pob adran mor llawn â phosib.
-  A fydddech gystal â nodi mai'r e-bost yw'r dull cyfathrebu a ffeirir gennym
-  Nodwch mai'r manylion cyswllt a roddwch (e.e. ffôn / e-bost) yw rhai'r person y dylem gysylltu ag ef / hi os oes gennym unrhyw ymholiadau sy'n gysylltiedig â'ch cais.
-  **Rhif cyfeirnod cais cynllunio:** Dylech gynnwys hyn gan y gall eich cais cynllunio roi gwybodaeth werthfawr i ni.

**Mae gan Gyngor Sir Fynwy'r hawl i wrthod ceisiadau os na ddarparwyd digon o wybodaeth neu os rhoddwyd enw anaddas.**


## Manylion y lleoliad

**Mae gwybodaeth am lleoliad eich eiddo a mynediad iddo o'r pwys mwyaf ac os nad oes gennym wybodaeth ddigonol, ni fyddwn yn gallu prosesu eich cais. Felly, mae'n hanfodol eich bod yn darparu cynllun lleoliad sy'n cynnwys sut y ceir mynediad i'r eiddo. Ni fyddwn yn gallu prosesu eich cais heb hyn.**

Os ydych yn adeiladu neu'n addasu eiddo o fewn ffin eiddo sy'n bodoli eisoes, a bod y datblygiad newydd yn rhannu mynediad gyda'r eiddo presennol, yna rhowch gyfeiriad yr eiddo hwn Bydd hyn, ynghyd â chynllun lleoliad, yn rhoi digon o wybodaeth i ni am y lleoliad.

Os nad yw hyn yn berthnasol, yna darparwch y canlynol:

- Enw'r heol:** mae angen i ni wybod o ba heol y mae mynediad i'ch datblygiad Os daw mynediad o helo ddienw, sicrhewch fod y fynedfa a'r ffordd wedi'u marcio'n glir ar eich cynllun cysylltiedig.
- Ardal leol neu bentref** (e.e. Magwyr): (os yw'n berthnasol): os yw eich eiddo, er enghraifft, yng nghanol Trefynwy neu Gas-gwent (neu dref arall), ni fydd hyn yn berthnasol.
- Cod post:** os ydych chi'n ei wybod, rhowch y cod post i'r eiddo cyfagos agosaf. Os nad ydych yn gwybod beth ydyw, gallwch ei gael gan wasanaeth darganfyddwr cod post y Post Brenhinol (gweler drosodd am fanylion) neu fel arall, gwnewch yn siŵr eich bod yn darparu cyfeirnod grid.
- Cyfeirnod grid:** gallwch ddod o hyd i hyn ar-lein yma <https://osmaps.ordnancesurvey.co.uk> neu <https://gridreferencefinder.com/>  
Chwyddwch i mewn i lleoliad eich adeilad newydd ac yna cliciwch ar y dde am fanylion.



## Statws yr eiddo

- a) Bydd y Post Brenhinol yn ychwanegu'ch cyfeiriad newydd at ei ffeil **Heb Adeiladu Eto (HAE)**, defnyddir y ffeil hon i greu cyfeiriadau swyddogol ar gyfer eiddo sy'n cael eu hadeiladu. Mae hyn yn amddiffyn gweithwyr dosbarthu post y Post Brenhinol rhag y risg o anaf a achosir trwy fynd i mewn i safle adeiladu ac yn darparu amddiffyniad rhag twyll trwy sicrhau nad yw adeiladau nad oes ganddynt flwch post diogel eto yn derbyn unrhyw bost.

Os yw'ch adeilad wedi'i gwblhau, bod ganddo flwch post diogel a'i fod yn barod i symud i mewn iddo (neu rydych chi eisoes yn byw yno), gallwch ofyn i'ch cyfeiriad gael ei ychwanegu at y **Ffeil Cyfeiriadau Cod Post (FCCP)** ar unwaith drwy dicio'r blwch sy'n dweud: *Rwyf wedi atodi tystiolaeth bod yr eiddo wedi'i gwblhau; ychwanegwch y cyfeiriad at y FCCP.* Bydd darlun o'r eiddo gorffenedig fel arfer yn ddigonol fel tystiolaeth bod yr eiddo'n barod i symud i mewn iddo.

### A fydddech gystal â nodi'r canlynol:

- Mae cyfeiriadau a gedwir ar y ffeil HAE yn swyddogol; byddwch yn dal i allu cael gwasanaethau fel dŵr, trydan a band eang wedi'u gosod.

- Os gofynnwch i'r eiddo gael ei ychwanegu at FfCCP yn gynamserol, (h.y. cyn iddo gael ei gwblhau) ac na all y gweithiwr dosbarthu post ddsbarthu'r post, bydd y Post Brenhinol yn ei symud a'i roi i mewn i restr HAE.

**Nodwch, pan ychwanegir cyfeiriadau at y rhestr HAE, cyfrifoldeb yr ymgeisydd yw sicrhau ei fod yn cysylltu â'r Post Brenhinol i'w hysbysu pan fydd eiddo'n cael ei feddiannu, fel y gall y Post Brenhinol symud y manylion o'r ffeil HAE i'r FfCCP.**

*I actifadu eich cyfeiriad newydd unwaith y bydd yr adeilad wedi'i gwblhau (h.y. i symud y cyfeiriad o'r ffeil HAE i'r FfCCP), defnyddiwch [Ffurflen gyswllt ar-lein](#) newydd y Post Brenhinol. Mae'r ffurflen yn gofyn am yr holl wybodaeth berthnasol yn y fformat cywir i'w galluogi i ddelio â'ch cais yn gyflym ac yn effeithlon.*

b) Os yw'ch eiddo yn un masnachol, ni fydd y Post Brenhinol yn ychwanegu eich cyfeiriad at eu Ffeil Cyfeiriadau Cod Post oni bai ei fod yn bodloni'r meini prawf hyn:

- Mae'n gyfeiriad busnes dilys gydag arwyddion clir yn dangos enw'r busnes;
- Mae'r adeilad yn cael ei feddiannu yn ystod oriau busnes;
- Mae'r pwynt dosbarthu yn ddiogel ac yn hawdd ei gyrraedd ar gyfer derbyn post.

Felly, os yw'r eiddo'n fasnachol, efallai yr hoffech fodloni eich hun ei fod yn cwrdd, neu y bydd yn cwrdd, â'r meini prawf hyn.

### Enwau eiddo arfaethedig

**Nodwch, os yw'ch eiddo newydd ar stryd wedi'i rifo, rhoddir rif iddo; gall y rhif hwn gynnwys ôl-ddodiad megis 11A, ac ati. Os hoffech, gallwch ddewis enw yn ychwanegol at y rhif.**

**Sicrhewch eich bod yn darllen yn ofalus y canllawiau ar enwi, cyn i chi gwblhau'r adran hon.**

Mae enw gwreiddiol yn hanfodol i sicrhau y gellir lleoli eiddo yn gyflym ac yn hawdd (cyfeiriwch at ein *Polisi Enwi a Rhifo Strydoedd* am fwy o fanylion, os oes angen). Mae hyn yn hanfodol os yw'ch eiddo yn cael ei adnabod dim ond wrth ei enw (h.y. nid oes ganddo rif).

Rydym yn derbyn nifer o gwynion gan bobl sy'n byw mewn ardaloedd gwledig sy'n ymwneud â danfoniadau nwyddau'n mynd ar goll ac o bryd i'w gilydd, ambiwlansys yn cael eu gohirio. Am y rhesymau hyn, mae'n rhaid i ni fod yn hynod ofalus wrth gymeradwyo enwau eiddo newydd.

Ymgynghorir â'r Post Brenhinol a'r Tîm Rhestr Tir ac Eiddo Lleol ar bob enw eiddo newydd; **byddant yn gwrthod enwau nad ydynt yn bodloni'r rheolau canlynol:**

#### Yr hyn y dylech wneud:

- ✓ Dewis enw gwreiddiol.
- ✓ Byddwch yn ymwybodol mai'r **enw** na ellir ei ddyblygu yn hytrach na disgrifiad yr eiddo; Er enghraifft, does dim ots os ydych yn dewis Bwthyn y Rhosod, Porthdy'r Rhosod, Tŷ'r Rhosod. Yr elfen *Rhosod* o'r enw sy'n berthnasol.
- ✓ Cofiwch fod enwau sy'n cynnwys coed, llwyni ac ati yn tueddu i fod yn hynod boblogaidd, e.e. Rhosod, Perllan, Derw, ac ati.
- ✓ Gwirio eich enw ar Ddarganfyddwr Cod Post y Post Brenhinol am wreiddioldeb (gweler trosodd am fanylion).
- ✓ Rhowch o leiaf dri awgrym ar gyfer ailenwi neu enwi eich eiddo.

#### Yr hyn na ddylech wneud:

- ✗ Dewiswch enw sy'n cael ei ddefnyddio gan unrhyw eiddo arall **neu sy'n swnio'n rhy debyg** i eiddo arall yn ardal y cod post, e.e. NP7, NP16, NP26.
- ✗ Dewis enw sy'n swnio'n hiliol, rhywiaethol, anwedus neu'n agored i gamddehongli.
- ✗ Dewis tri awgrym sydd ond yn amrywiadau ar thema, e.e. Bwthyn y Rhosod, Porthdy'r Rhosod a Chwrt Rhosod; pa bynnag ôl-ddodiad neu ragddodiad sy'n cael ei ddewis, ni fydd yr enw *Rhosod* yn unig yn cael ei gymeradwyo.
- ✗ Dewis enw sy'n rhy hir.
- ✗ Dewis enw sy'n cynnwys "yn", e.e., *Y Porthdy yn Nhŷ Helyg*.
- ✗ Dewis enw sy'n rhy gyffredinol, e.e. *Y Porthdy*, *Yr Ysgubor*, *Y Bwthyn* ac ati.

Mae rhai pobl yn cymryd ysbrydoliaeth am enw o'u hoff ffilm, llyfr neu gerdd. Weithiau, gall hanes teuluol gynnig syniadau. Cofiwch – mae gwreiddioldeb yn hollbwysig.


### *Gwiriwch yr enw o'ch dewis ar wasanaeth darganfyddwr cod post y Post Brenhinol:*

Gallwch wirio eich enw dewisol ar gyfer gwreiddioldeb drwy fynd i:

<https://www.royalmail.com/cy/find-a-postcode>

Os teipiwch yn eich enw dewisol (ond heb yr ôl-ddodiad fel *Bwthyn* ac ati) a rhan gyntaf y cod post, fe welwch os oes unrhyw eiddo arall gyda'r enw hwn yn eich ardal chi (gweler y darlun).

*Nodwch, er y bydd hyn yn rhoi syniad i chi a yw'r enw a ddewiswyd gennych eisoes yn cael ei ddefnyddio, nid yw'n ddi-feth; ni fydd enwau sy'n swnio'n debyg yn ymddangos yma ac ni fydd enwau sydd wedi'u cymeradwyo ar gyfer eiddo sy'n cael eu hadeiladu ychwaith.*



### ***Datganiad perchnogaeth***

Cadarnhewch mai chi yw perchennog yr eiddo neu eich bod yn gweithredu ar ran y perchennog.

### ***Datganiad yr ymgeisydd a manylion y taliad***

Cadarnhewch eich bod wedi talu'r ffi (gweler ein Gwefan Enwi a Rhifo Strydoedd am strwythur ffioedd) a darllenwch y nodiadau cyfarwyddyd.

#### ***Gallwch dalu am eich cais enwi a rhifo strydoedd naill ai:***

- Gyda cherdyn trwy Swyddfa'r Ariannwr ar 01633 644355; rhowch wybod iddynt ei fod ar gyfer cais Enwi a Rhifo Strydoedd a dyfynnwch eich cyfenw a llinell gyntaf eich cyfeiriad fel cyfeirnod. Rhowch eich rhif derbynneb i'r gofod a ddarperir fel y gallwn glymu'ch taliad i'r cais cywir.
- Drwy BACS; a fydddech gystal ag e-bostio [developmentcontrol@monmouthshire.gov.uk](mailto:developmentcontrol@monmouthshire.gov.uk) am fanylion y banc a chod cyfeirnod y taliad.
- Gyda siec yn daladwy i "Cyngor Sir Fynwy" a'i bostio i'r cyfeiriad isod ynghyd â'ch ffurflen gais

#### ***Nodwch na fyddwn yn dechrau gweithio ar eich cais nes bod eich ffi wedi'i thalu'n llawn.***

Os ydych wedi cwblhau ffurflen gais copi caled, gallwch ei phostio i:

Enwi a Rhifo Strydoedd  
Cyngor Sir Fynwy  
Neuadd y Sir  
Y Rhadyr  
Brynbuga  
NP15 1GA

Neu anfonwch hi fel PDF mewn e-bost i [developmentcontrol@monmouthshire.gov.uk](mailto:developmentcontrol@monmouthshire.gov.uk)

*Gellir cysylltu â gwasanaeth Enwi a Rhifo Strydoedd Cyngor Sir Fynwy fel isod:  
Rhif ffôn 01633 644644 neu e-bostiwch [contact@monmouthshire.gov.uk](mailto:contact@monmouthshire.gov.uk)*